

Nürnberg, 10. März 1553

Von Joachim Camerarius d. Ä.

Druck: Camerarius, Epistolae S. 450f.

S. Accepi libros nudiusquartus, sed sine litteris vestris. Studio tamen et diligentia D. Baptistae nostri delector, qui celeriter satisfecit cupiditati nostrae. Itaque etiam nunc mihi in animo sunt versus qualescunque de ipso nostri,

In cuius duo numina sedem  
Tanquam intra sancti templi penetralia corde  
Calliope Aglaieqüe sibi posuere.

quem mi Wolfi officiosè salutabis verbis meis. Ita se res dant, vt h̄ic diutius mihi praeter opinionem meam commorandum sit. Itaque respicio cogitationibus meis saepe istuc, et vsum vestrae bibliothecae expeto, et humanitatis fructum desidero. Sed de his aliās. Mitto tibi et nostro Baptistae singulos libellos nostrae editionis, de qua vobis nuper dixi. His diebus cum magno dolore cognoui Erasmus Reinholdum mortuum esse. Amissus est eximius artifex mathematicarum disciplinarum, et sunt opera interrupta praeclara, quae instituisse eum constat. Omnino illum peremerunt, sicut olim Philetam, cùm hic ψευδόμενον λόγον perquirere et explicare conaretur, quemadmodum est in epigrammate, intentae et vehementes considerationes, καὶ φροντίδες, vt nos videre debeamus ὅπως μήτε ξυννοιῶν μήτε μεριμνῶν ἀμετρίᾳ κατακλυσθῶμεν. quod ego sanè facio hoc maximē tempore, quo neque contendeo itinere directo ad aliquam elaborationem studiorum, et aliorum quoque φροντίς φασιν ἵπποκλείδῃ οὐδεμίᾳ. Idem et tibi faciendum censeo. οὐ γὰρ μόνον ἐν τῷ φρονεῖν μηδὲν, ἀλλὰ πολὺ μᾶλλον καὶ ἐν τῷ φροντίζειν μηδενὸς, ἥδιστος βίος. Sed nescio quo pacto in tristicia ad iocos delabor. Te igitur cum Cypriano nostro rectè valere cupio. Vale. 6. Id[us] Martij. In quem diem cùm collatum sit πινακικῆς tempus ἰσημερίας vernae, visus nuper sum mihi de quibusdam obseruatiunculis notare illud punctum celeriū solem attigisse, quàm vulgatae ψηφοφορίαι indicent. De quo velim cum Cypriano loquare, si qua fortè et illius τήρησις extet. Iterum vale. Norimbergae. 1553.